

Pindah fail daripada iPhone

BAGAIMANAKAH cara untuk pindah fail antara telefon pintar berasaskan iPhone dengan Android? - TAN, Bahau.

PADA hari ini, ramai orang menggunakan telefon pintar dalam kehidupan sehari-hari mereka. Antara pelantar popular digunakan dalam telefon pintar ini adalah iPhone dan Android.

Walau bagaimana pun, data tidak dapat dikongsi secara terus antara telefon pintar berasaskan sistem Android dengan telefon pintar, iPhone.

Jadi, data atau fail boleh dipindahkan di antara kedua-dua jenis telefon pintar berasaskan sistem Android dengan telefon pintar, iPhone dengan menggunakan kaedah tertentu yang akan dibincangkan seterusnya.

Terdapat banyak aplikasi pemindahan fail yang boleh digunakan untuk tujuan pemindahan fail antara telefon pintar berasaskan Android dengan telefon pintar iPhone. Seterusnya, dibincangkan langkah-langkah yang mudah menggunakan aplikasi *Mobile Transfer* untuk pemindahan fail antara telefon pintar berasaskan Android dengan telefon pintar iPhone.

1 Muat turun dan pasang aplikasi *Mobile Transfer* ke dalam komputer yang digunakan.

2 Muat turun dan pasang juga aplikasi iTunes ke dalam komputer yang sama.

3 Muat turun aplikasi *Mobile Transfer* untuk pelantar berasaskan sistem Windows atau Mac OS.

Diskusi ICT



Bersama **FIRKHAN**
sembangict@yahoo.com

4 Hubungkan telefon pintar iPhone dengan telefon pintar berasaskan Android kepada fungsi *one-click phone transfer* dalam aplikasi pada masa yang sama.

5 Aplikasi akan mengesan kesemua telefon pintar yang dihubungkan secara automatik. Telefon pintar ini akan dinampakkan dalam dua ruangan berbeza yang dikenali sebagai *Source* dan *Destination*.

6 Seterusnya, pilih data yang perlu disalin daripada telefon pintar iPhone untuk

dihantar ke telefon pintar berasaskan Android.

7 Klik butang *Start Copy*. Sekiranya proses pemindahan data sudah selesai, satu mesej akan dipaparkan menyatakan proses pemindahan sudah selesai.

Harap dapat membantu. Sekiranya ada talian Internet pada kadar kelajuan capaian yang sesuai, boleh digunakan aplikasi pemindahan fail awanan seperti *DropBox*, *SkyDrive* dan lain-lain.

